



Resolución da Dirección Territorial da Coruña da Consellería do Mar, pola que se publica a lista definitiva das embarcacións seleccionadas no proceso selectivo para o outorgamento da modalidade de Solénidos ao abeiro do plan de xestión conxunto para o recurso específico Solénidos, modalidade mergullo en apnea e con subministro de aire dende superficie, das Confrarías de Pescadores de Fisterra, Corcubión e Lira.

Antecedentes

1. A Orde do 19 de decembro de 2024 aprobou os plans de xestión para recursos específicos e algas en Galicia para o trienio 2025-2027 (DOG núm. 251, de 31.12.2024).

De conformidade co expediente de aprobación do plan de xestión conxunto para o recurso específico Solénidos (PE410 2024/20-1), modalidade mergullo en apnea e con subministro de aire dende superficie, das Confrarías de Pescadores de Fisterra, Corcubión e Lira (en adiante plan de xestión), estableceuse un número máximo de participantes de **18** embarcacións con **53** mergulladores habilitados con dereito a cota cun reparto de embarcacións e cotas por confraría, asignándose 13 embarcacións con 37 mergulladores habilitados á confraría de Fisterra, 3 embarcacións con 10 mergulladores á confraría de Corcubión e 2 embarcacións con 6 mergulladores á confraría de Lira, indicándose no plan de xestión un número máximo de 3 mergulladores por embarcación.

Na actualidade o número de embarcacións con solénidos no permiso de explotación autorizadas para participar no plan é 13 embarcacións con 36 mergulladores na confraría de Fisterra e 3 embarcacións con 9 habilitacións na confraría de Corcubión.

2. O 17.01.2025 a confraría de Fisterra, representante das entidades participantes do plan, presentou unha solicitude para que se iniciasen os procesos para a cobertura das dúas (2) vacantes para mergulladores das confrarías de Fisterra e Corcubión, e as dúas (2) embarcacións vacantes con 6 cotas para mergulladores da confraría de Lira, para cumprir o número máximo de embarcacións establecido no plan de xestión.

3. O 25.02.2025 a Xefatura Comarcal de Ribeira comunicou a proposta á Confraría de Pescadores de Fisterra, como representante das entidades participantes do plan, para proceder á convocatoria dun proceso selectivo para o outorgamento do recurso específico solénidos a dúas (2) embarcacións e 6 habilitacións, con un máximo de tres (3) mergulladores para cada unha delas para a confraría de Lira. Logo do proceso de actualización da lista de incrementos de cotas procederase á oferta das dúas (2) cotas vacantes as embarcacións integrantes da listas das confrarías de Fisterra e Corcubión. Nesta comunicación outorgábaselle un prazo de tres (3) días hábiles para que presentasen as observacións que considerasen oportunas e que de non recibir resposta no prazo



senalado entenderíase como positiva a proposta realizada por esta dirección territorial. Transcorrido dito prazo non houbo resposta por parte da entidade.

4. O 10.03.2025 esta dirección territorial ditou a resolución pola que se convocou o proceso selectivo para o outorgamento da modalidade de solénidos a dúas (2) embarcacións e 6 cotas de captura para persoas mergulladoras, para o exercicio da actividade extractiva no ámbito do plan de xestión para o recurso específico solénidos, no ámbito da Confraría de Pescadores de Lira, cunha asignación máxima de tres (3) cotas de captura e un mínimo de dúas (2) cotas por embarcación, ao obxecto de establecer tripulacións mínimas de seguridade.

5. O 20.06.2025 esta dirección territorial ditou a resolución pola que se publicou a lista das embarcacións admitidas ao proceso e as súas puntuacións provisionais, concedéndose un prazo de quince días hábiles para presentar as alegacións pertinentes. Os interesados non presentaron alegacións.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 26 a 30, o procedemento para a obtención da modalidade de recursos específicos no permiso de explotación da embarcación.

2. O proceso selectivo para o outorgamento da modalidade de Solénidos, de acordo coa resolución do 10.03.2025 desta dirección territorial realízase para dúas (2) embarcacións con tres (3) habilitacións para mergulladores para cada unha delas (6 cotas en total), cun máximo de tres (3) e un mínimo de dúas (2) cotas para cada unha delas. ao obxecto de establecer tripulacións mínimas de seguridade.

A presentación e admisión de tres (3) solicitudes de embarcacións da entidade en relación ao número de prazas convocadas, fai necesario establecer unha orde de prelación e por tanto proceder á valoración das solicitudes para puntuar as ditas embarcacións para a súa selección e outorgamento da modalidade, de conformidade co punto A.1 de Criterios xerais do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

3. As solicitudes admitidas valoráronse de acordo co dito baremo.

4. O punto 2.2 das bases da convocatoria ditada mediante resolución do 10.03.2025 deste departamento territorial pola que se convocou o proceso selectivo para o outorgamento da modalidade establece que:

Unha vez finalizado o prazo de presentación de alegacións e analizadas estas, o departamento territorial ditará a resolución coa relación definitiva das embarcacións seleccionadas e persoas armadoras, así como das non seleccionadas. A relación definitiva das embarcacións seleccionadas



e persoas armadoras realizárase con base no número de tripulantes con certificación profesional con pretensión de enrolar indicado na solicitude pola persoa armadora. Dita resolución será exposta nos lugares e cos mesmos efectos que os previstos no punto 2.1. As alegacións non se contestarán expresamente de xeito individualizado, aínda que, de ser o caso, si se terán en conta para a puntuación definitiva.

5. Este departamento territorial é o órgano competente para o outorgamento da modalidade de recursos específicos no permiso de explotación das embarcacións de conformidade co establecido no artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

1. Facer pública a lista definitiva das embarcacións seleccionadas, así como das non seleccionadas, ordenada polas puntuacións obtidas, no proceso selectivo para acceder á modalidade Solénidos da Confraría de Lira, ao abeiro do Plan de xestión conxunto para o recurso específico Solénidos, modalidade mergullo en apnea e con subministro de aire dende superficie, das Confrarías de Fisterra, Corcubión e Lira. (anexo I).

2. Outorgar a posibilidade para optar á modalidade do recurso específico SOLÉNIDOS cun máximo de tres (3) cotas e un mínimo de dúas (2) cotas por embarcación no permiso de explotación ás embarcacións e persoas que se indican a continuación:

CFPO	EMBARCACIÓN	MATRÍCULA E FOLIO	TITULAR DO PERMISO DE EXPLOTACIÓN
100648	FREIRE	CO-6-4-24	MARCO ANTONIO FREIRE RAMA
11312	PEPITA CONSUELO	CO-4-617	FRANCISCO TAJES SUÁREZ

3. A obtención da modalidade e adxudicación final do número de cotas á embarcación, dependerá das persoas que teña enroladas á vista do rol de despachos da embarcación coa dotación da tripulación enrolada nela e das certificacións profesionais. Dita solicitude terá en conta o número máximo de tripulantes que a embarcación pode enrolar (Certificado de conformidade).

Ademais, de acordo con disposto na *Resolución do 18 de maio de 2020 da Dirección Xeral de Desenvolvemento Pesqueiro pola que se modifica a Resolución de 4 de maio de 2016* pola que se aproba o baremo, o outorgamento da modalidade de recursos específicos realizarase entre persoas armadoras solicitantes asociadas á entidade titular do plan de xestión, e no caso dun plan de xestión conxunto estarase ao disposto no plan aprobado en canto a distribución de prazas entre entidades, de ser o caso.

Para a comprobación do indicado nos parágrafos anteriores, as persoas armadoras das embarcacións seleccionadas disporán dun prazo de quince (15) días hábiles, contados desde o seguinte ao da publicación da presente resolución para presentar a seguinte documentación:

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal



- a) Rol de despachos actualizado da embarcación coa dotación de tripulación enrolada nela.
- b) Certificacións profesionais que correspondan ás persoas tripulantes enroladas, agás no suposto de autorización expresa por parte das persoas tripulantes á Consellería do Mar para a consulta das certificacións profesionais expedidas pola Consellería do Mar. A autorización expresa para a consulta destes datos realizarase empregando o anexo X da Orde do 30 de decembro de 2015.
- c) Certificación da confraría de pescadores, respecto da pertenza da persoa armadora como asociada á entidade para a que se outorga a modalidade de acordo co reparto de participación asignado á confraría no plan de xestión. Non será necesario en caso de autorización á Consellería do Mar para a súa consulta.

De acordo co disposto no Decreto 425/1993, do 17 de decembro e a Orde do 30 de decembro de 2015, as embarcacións seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención da modalidade no permiso de explotación e das cotas asignadas:

- a) Ter menos de cinco artes ou modalidades no permiso de explotación da embarcación. No caso de ter cinco, deberá xustificarse a renuncia a unha delas.
- b) Non ter sancións firmes en vía administrativa en materia de protección de recursos mariños, pendentes de pagamento.
- c) O/A armador/a da embarcación non poderá ser titular dun permiso de explotación a pé para recursos específicos, debendo renunciar a este no momento da obtención da modalidade.

Ás embarcacións seleccionadas que cumpran os requisitos expediráselle o novo permiso de explotación onde quedará reflectida a modalidade e o número de cotas asignadas.

Se unha mesma persoa tripulante, coa certificación da titulación correspondente, figura enrolada en diferentes embarcacións seleccionadas no prazo de presentación de documentación, a asignación da cota de captura realizarase tan só á embarcación na que a persoa tripulante conste coa data máis recente no despacho vixente.

Lémbrese que, en todo caso para o exercicio da actividade, cumprírase coas normas de seguridade para o mergullo de extracción de recursos mariños vivos (Real Decreto 550/2020, de 2 de xuño, polo que se determinan as condicións de seguridade das actividades de mergullo).

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional.



Por tanto, as solicitudes e a documentación indicada, deberán presentarse por vía electrónica a través do formulario normalizado PXOO6A (achega de documentación adicional) dispoñible na sede electrónica da Xunta de Galicia (<https://sede.xunta.gal>). Para a presentación das solicitudes será necesario o Documento Nacional de Identidade electrónico (DNIe) ou calquera dos certificados electrónicos recoñecidos pola sede da Xunta de Galicia.

Se dentro do prazo fixado a persoa armadora seleccionada non presentase a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que desiste da súa solicitude. Neste caso, emitirase unha nova resolución modificando esta, declarando seleccionada a embarcación e persoa armadora que figure na lista de embarcacións non seleccionadas da confraría correspondente por orde de puntuación, polo desestimento da persoa armadora que non presentou a documentación ou carece dos requisitos.

Contra esta resolución, que non pon fin á vía administrativa, as persoas interesadas poden presentar un recurso de alzada ante a Conselleira do Mar no prazo dun (1) mes contado a partir do días seguinte ao da publicación desta resolución, de acordo co establecido nos artigos 30, 121 e 122 da lei 39/2015 de 1 de outubro, do procedemento administrativo común das administracións públicas.

A presente resolución publicarase na páxina web <http://www.mar.xunta.gal> e tamén se exporá no taboleiro de anuncios da Xefatura Comarcal de Ribeira da Consellería do Mar e das Confrarías de Pescadores de Fisterra, Corcubión e Lira.

Esta resolución notifícaselle á Confraría de Pescadores de Fisterra, como entidade representante do plan de xestión, consonte ao artigo 40 e seguintes da Lei 39/2015, de 1 de outubro.

A directora territorial
P.A. (Resolución 13 de maio de 2024)
O xefe do Servizo de Desenvolvemento Pesqueiro
Miguel Gómez Losada
(asinado dixitalmente)



ANEXO I:

Listaxe definitiva de embarcacións admitidas (seleccionadas e non seleccionadas) no proceso selectivo para o outorgamento da modalidade de solénidos para dúas (2) embarcacións da confraría de Lira, ao abeiro do Plan de xestión conxunto para o recurso específico solénidos, modalidade mergullo en apnea e con subministro de aire dende superficie, das Confrarías de Pescadores de Fisterra, Corcubión e Lira.

Embarcacións seleccionadas									
Confraría	Embarcación	Matricula e folio	Experiencia profesional da persoa armadora B.1	Habitualidade da actividade pesqueira B.2	Antigüidade da embarcación B.3	Nº artes B.4	Formación da persoa armadora B.5	Ter mulleres enroladas B.6	Total
LIRA	FREIRE	CO-6-4-24	0.00	2.50	3.00	0.50	3.00	0.00	9.00
LIRA	PEPITA CONSUELO	CO-4-617	0.00	2.00	3.00	0.50	2.11	0.00	7.61

Embarcacións non seleccionadas									
Confraría	Embarcación	Matricula e folio	Experiencia profesional da persoa armadora B.1	Habitualidade da actividade pesqueira B.2	Antigüidade da embarcación B.3	Nº artes B.4	Formación da persoa armadora B.5	Ter mulleres enroladas B.6	Total
LIRA	O MARIÑEIRO I	CO-6-3-24	0.00	2.00	0.00	0.50	2.08	0.00	4.58

Os epígrafes de cada columna son: (de acordo co apartado B do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

- **TOTAL puntos:** puntos acadados en total.
- **B.1: Experiencia profesional no sector da persoa armadora da embarcación.**
A puntuación máxima total que se poderá obter nesta epígrafe será de 3 puntos.
- **Ter sido titular dun permiso de explotación a pé para recursos específicos** nos 2 anos anteriores á data da convocatoria: **1,5 puntos por ano completo.**

Non se terá en conta este aspecto cando a perda do permiso de explotación fose como consecuencia de sanción en materia de protección dos recursos mariños ou incumprimento das prescricións ou requisitos establecidos no plan de xestión.

- **Ter estado enrolado/a como mergullador/a en embarcacións que contan coa modalidade** do recurso específico de que se trate no seu permiso de explotación nos 2 anos anteriores á data da convocatoria: **0,13 puntos/mes completo** sempre que a



embarcación rexistrase actividade pesqueira e vendas para esa modalidade.
Non se computará o período de tempo en que a persoa armadora estivese en situación de incapacidade temporal

- **B.2: Habitualidade da actividade pesqueira. A puntuación máxima total que se poderá obter nesta epígrafe será de 3 puntos.**
- **Vendas na lonxa ou centro de venda autorizado da embarcación.**
Cando nos dous anos anteriores á data da convocatoria, o volume de vendas da embarcación teña un importe superior ao salario mínimo interprofesional para cada tripulante: **2 puntos**
Para os efectos de computar as vendas descontaranse só os períodos de tempo en que a embarcación estivo inactiva por causa de forza maior, e cando a/as persoa/s solicitante/s non fosen armadora/s da embarcación (segundo o permiso de explotación).
Para o cálculo do salario mínimo interprofesional terase en conta a información relativa ás vendas en lonxa ou centro de venda autorizado que conste en poder da consellería, así como o rol de despachos e dotación.
- **Período de actividade da embarcación (registro da actividade pesqueira)**
Cando nos dous anos anteriores á convocatoria a embarcación rexistrase actividade pesqueira e teña asociadas vendas en lonxa ou centro de venda autorizado:
 - a) Por un período superior a 18 meses: 1 punto.
 - b) Por un período comprendido entre 6 e 18 meses: 0,5 puntos.
 - c) Por un período inferior a 6 meses: 0 puntos.
 Non se terá en conta o período de tempo en que a/as persoa/s solicitante/s non fosen armadora/s da embarcación (segundo o permiso de explotación).
- **B.3: Antigüidade da embarcación nun porto base incluído no ámbito territorial das/s entidade/s titulares do plan de xestión.**
Cando a embarcación teña un porto base incluído no ámbito territorial da entidade titular do plan de xestión durante un período de 2 anos anteriores, inmediatamente anteriores, á data da convocatoria, e sempre que durante todo este tempo as persoas solicitantes fosen armadoras da embarcación: **3 puntos**.
- **B.4: Número de artes ou modalidades incluídas no permiso de explotación da embarcación na data da convocatoria:**
 - 1 arte/modalidade: 3 puntos.
 - 2 artes/modalidades: 2 puntos.
 - 3 artes/modalidades: 1 punto.

- 4 artes/modalidades: 0,5 puntos

- **B.5: Formación da persoa armadora da embarcación. A puntuación máxima total que se poderá obter nesta epígrafe é de 3 puntos.**
- **Actividades de formación (cursos, seminarios e xornadas ou asimiladas).**
Valoraranse as actividades que foron recoñecidas como mérito para acceder ás modalidades de recursos específicos e que figuran inscritas no catálogo de actividades formativas aprobado por Resolución do 30.09.2024 da Dirección Xeral de Desenvolvemento Pesqueiro na data da convocatoria.
Non se computarán as seguintes titulacións ou certificados profesionais: mariñeiro pescador, formación básica, certificado de mariscador/a, certificado de percebeiro/a e certificado para a extracción de recursos específicos con técnicas de mergullo.
Cando unha actividade formativa teña varios niveis, só computará aquela que permita acadar a maior puntuación.
- **Titulación académica.**
 - Graduado/a en ESO ou equivalente: 0,15 puntos.
 - Bacharel ou equivalente: 0,25 puntos.
 - Diplomatura universitaria ou equivalente: 0,35 puntos.
 - Licenciatura universitaria ou equivalente: 0,5 puntos.

Só se valorará a titulación académica superior. Para os efectos de equivalencia de titulación, só se admitirán as establecidas polo Ministerio de Educación, Cultura e Deporte.

Ademais, engadirase 1 punto máis á valoración obtida na titulación académica cando a persoa solicitante posúa algunha titulación profesional regulada de acuicultura ou náutico-pesqueira, así como a formación non regulada, de patrón de pesca local, patrón costeiro polivalente e capitán de pesca.

- **B.6: Ter persoas enroladas do xénero feminino. A puntuación máxima total que se poderá obter nesta epígrafe será de 2 puntos.**
Por ter enroladas persoas de xénero feminino na embarcación nos 2 anos anteriores á data da convocatoria: 0,1 puntos/mes completo, sempre que a embarcación rexistrase actividade pesqueira e vendas.
Non se computará o período de tempo en que a persoa estivese en situación de incapacidade temporal.



A directora territorial. P.A. (Resolución do 13 de maio de 2024) O xefe do Servizo de Desenvolvemento Pesqueiro

